

Broj: 02C-2688-9/25

Datum: 19.05.2025. godine

Na osnovu člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14, 59/22 i 50/24), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku broj 02C-3494-7/25 od 28.04.2025. godine, u postupku javne nabavke usluga – **Preventivno i interventno održavanje medicinske opreme proizvođača: Physio Control (defibrilatori), Domel – Tehnica (laboratorijske centrifuge), Sigma (laboratorijske centrifuge), Fujinom (endoskopska oprema), Erbe (dijatermijske jedinice), Martin (dijatermijske jedinice), Cherion (aspiratorske jedinice), Mediana (pacijent monitori), Lumed (EKG aparati, Atom Medical (perfuzione i infuzione jedinice) i Aeroplus E (oxygen generatori), JN 8/25,** direktor Javne ustanove Opća bolnica „Prim. dr. Abdulah Nakaš“, je donio

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za nabavku, broj: 02C-2688-9/25 od 19.05.2025. godine za javnu nabavku usluga – **Preventivno i interventno održavanje medicinske opreme proizvođača: Physio Control (defibrilatori), Domel – Tehnica (laboratorijske centrifuge), Sigma (laboratorijske centrifuge), Fujinom (endoskopska oprema), Erbe (dijatermijske jedinice), Martin (dijatermijske jedinice), Cherion (aspiratorske jedinice), Mediana (pacijent monitori), Lumed (EKG aparati, Atom Medical (perfuzione i infuzione jedinice) i Aeroplus E (oxygen generatori)**, te se Okvirni sporazum dodjeljuje ponuđaču „BIOMEDIA“ d.o.o. Sarajevo, ponuda dostavljena dana 12.05.2025. godine, za ponudenu cijenu od 80.000,00 KM bez uračunatog PDV-a, odnosno 93.600,00 KM sa uračunatim PDV-om, na godišnjem nivou.

Cijena norma sata iznosi 95,00 KM bez uračunatog PDV-a, odnosno 111,15 KM sa uračunatim PDV-om.

Član 2.

Postupak iz člana 1. ove Odluke proveden je metodom „otvoreni postupak za dostavu ponuda“, te je nakon otvaranja ponuda trebala biti provedena provedena „E-aukcija“, a za izbor najpovoljnijeg ponuđača korišten je kriterij „najniža cijena“. Ugovorni organ je u Tenderskoj dokumentaciji predvidio provođenje E-aukcije.

Član 3.

Nakon prijema i evaluacije ponuda konstatovano je da je ponudu za predmetnu nabavku dostavio 1 (jedan) kvalifikovani ponuđač i to „BIOMEDIA“ d.o.o. Sarajevo.

U skladu sa članom 3.stav (3) Pravilnika o uslovima i načinu korištenja E-aukcije („Službeni glasnik BiH“ broj 80/23) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69.Zakona o javnim nabavkama („Službeni glasnik BiH“ broj 39/14, 59/22 i 50/24).

U predmetnom postupku nije bilo nekvalifikovanih ponuđača.

Član 4.

Izabrani ponuđač „BIOMEDIA“ d.o.o. Sarajevo oslobađa se obaveze da dostavi originale ili ovjerene kopije dokumentacije iz člana 45. Zakona o javnim nabavkama, obzirom da je dostavio uz ponudu.

Član 5.

Prijedlog Okvirnog sporazumap dostavlja se na potpis izabranom ponuđaču uz Odluku o izboru najpovoljnijeg ponuđača.

Član 6.

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav. 6. i članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj 02C-2688-1/25 od 27.02.2025. godine.

Javna nabavka je sprovedena putem otvorenog postupka JN 8/25.

Procijenjena vrijednost javne nabavke bez PDV-a je 80.000,00 KM.

Obavještenje o nabavci broj: 1125-1-2-144-3-216/25, objavljeno je na Portalu javnih nabavki dana 18.04.2025.godine, a u Službenom glasniku broj 24/25 dana 25.04.2025.godine.

Komisija za nabavku, imenovana je Rješenjem broj: 02C-2688-2/25 od 27.02.2025. godine.

Komisija za javnu nabavku u predmetnom postupku javne nabavke roba, dostavila je direktoru Javne ustanove Opća bolnica „Prim. dr. Abdulah Nakaš“, Zapisnik o pregledu i ocjeni ponuda broj 02C-2688-6/25 od 16.05.2025.godine, Preporuku o izboru najpovoljnijeg ponuđača broj 02C-2688-7/25 od 16.05.2025.godine, i Izvještaj o radu broj: 02C-2688-8/25 od 16.05.2025. godine.

U postupku po Izvještaju o radu Komisije, utvrđeno je da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je u predmetnom postupku primljena 1 ponuda,
- da je blagovremeno primljena 1 ponuda,
- da nije bilo neblagovremeno primljenih ponuda.

Analiza ponuda vezano za ispunjenje zahtjeva u pogledu opisa predmeta nabavke i tehničkih specifikacija:

Ponuda Ponuđača „BIOMEDIA“ d.o.o. Sarajevo ispunjava sve tražene uslove u pogledu opisa predmeta nabavke i tehničke specifikacije za predmetnu nabavku.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu početne i konačne ponude, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom.

Iz navedenih razloga, primjenom člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14, 59/22 i 50/24), člana 8. stav 2. tačke d) i f) Pravilnika o uspostavljanju i radu Komisije za nabavke („Sl. glasnik BiH“ broj: 103/14 i 49/23) i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo. Žalba se podnosi u najmanje 3 (tri) primjerka.

Pripremila:
Emina Turko dipl.iur.,
Stručni saradnik javne nabavke

Kontrolisala:
Aldijana Ećo Ajković BA prava,
Šef odsjeka javne nabavke



DIREKTOR
Prof.dr. Ismet Gayrankapetanović

Dostaviti:

- „BIOMEDIA“ d.o.o. Sarajevo
Ul. Avde Hume 19, 71000 Sarajevo
- Odsjek za javne nabavke
- Odjeljenje za tehničke poslove i investicije
- Odjeljenje za ekonomsko-finansijske poslove